

Bulitinu Infurmativu

Tu deftura stâmânâ parlamentarâ di estanu, ditu meslu Apriiru, di la Cunsillu ali Ivropâ di Strasburg (27.04 – 30.04), unâ diligatsiuni di la Cunsillu Armânjloru adrã unu uspetsu di lucru tu dzuua di Njercuri, 29-li di Apriiru 2009.

La aestâ andamusi di Strasburg, diligatsiunea Armânjloru, prizidentulu Yiani Mantsu sh v-prizidentulu(Frântsie) Iancu Perifan – di partea a CA sh Marius Caciauna – di partea sutsatâljei „Uniunea Makedonarmânjloru ditu Ghirmânie“(membru tu Biroulu di Cumândâseari UMG), avu muabets di simasie cu Sicritariatlu di la „Committee on Legal Affairs and Human Rights“ cumu sh cu Prizidentulu di la „Subcommittee on Rights of Minorities“.

Dauli dipartamenti numâsiti ma-ndzeanâ, cu cari s-purtarâ dialoguri kiro di dauâ sihâts sh disu, sh-aspusirâ sinferlu andicra di prublimatica armâneascâ.

Dipriunâ s-dukeashti aestu lucru tu dialogurli tsi s-dizvârtescu Strasburg, cathi oarâ cându diligatsiunea di la CA easti aclo, cându s-dizvârteashti sesiunea parlamentarâ, ama tora s-duki ma multu, ti furnjia câ aesti dauâ dipartamenti au tu lucru unu raportu andicra di „Charta Ivrupeanâ a Limbiloru Minuritari“ shi au multu ananghi di matiriali infurmativi ligati di catandisea limbâljei armâneascâ.

Tu muabetsli cari s-dizvârtirâ la aestâ andamusi tsi fu andreaptâ ditu kiro, sâ zburâ multu ti catandisea limbâljei tu Rumânie, iu limba armâneascâ easti nica luyursitâ dialectu, catandisi tsi va hibâ numâsitâ tu aestu raportu cari va hibâ andreptu di ishishi prizidentulu ali „Sumcumisiunea ti Ndrepturli a Minuritâtsloru“.

Matirialili infurmativi ti catandisea Armânjloru tu Balcanu, tsi furâ adusi Strasburg, ashi cumu s-fatsi daima cându unâ diligatsiuni di la CA s-aflâ aua, s-uidisirâ s-hiba dipu ligati di thema cari mutreashti raportulu tsi s-andreadzi. Alti matiriali infurmativi tsi s-andrupascâ lucurlu la aestu raportu, andicra di catandisea limbâljei armâneascâ, va hibâ pitricuti Strasburg.

Tu muabetsli tsi s-purtarâ, s-featsi rifirintsâ sh-la activitatea di pânâ tora a Cunsillui Armânjloru, zburânda-si multu sh-di culaburarea tsi u avu CA cu Institutlu ti Ndrepturli a Minuritâtsloru di la EURAC (European Academy), Bolzano – Italii : tu meslu Sumedru 2008, la Cunfirintsa FCNM(Framework Convention for the protection of National Minorities) di Strasburg, cându s-yiurtisirâ dzatsi anji di cându inshi aestâ Cunvintsiuni Cadru ti Vigljearea Ndrepturiloru a Minuritâtsloru, unlu ditu dauli ducumenti di mari simasii trâ vigljearea minoritâtsloru natsiunali(defturlu ducumentu easti „Charta Ivrupeanâ a Limbiloru Minuritari“), fu lansatu Strasburg unu prutsesu cunsultativu andicra di unu studiu „draft“ andreptu di unâ parei di la EURAC.

Council of
Armans
(Macedonarmans)

Cunsillu Armânjloru

(Cunsillu Makedonarmânjloru)

Head Office: *Moscopoli / Voskopoje – Curceaua / Korce – Po. Box 54, Korce, Albania*
Donation : ALPHA BANK, Korce – “Keshili i Arumuneve”, Account No. 012425011001008
www.makedonarman-council.org

Tu ishita di Martsu 2009, Cunsillu Armânjloru pitricu la Institutlu ti Ndrepturli a Minuritâtsloru di la EURAC unu „input“ la atselu studiu lansatu di EURAC, sh-tsi ari ca scupo s-idintificâ indicatorlji cari yixescu impactulu FCNM tu cathi statu ditu Balcanu iu bâneadzâ Armânjlji.

Aestu “input” cum sh alti documenti ligati di aestâ themâ, potu s-hibâ dyivâsiti tu sitlu a Cunsillui Armânjloru:

www.makedonarman-council.org

tu 8-li di Maiu, 2009

Cunsillu Armânjloru /
Biroulu di Cumândâseari

(Bulitinu Infurmativu Nr.9)

Cunsillu Armânjloru / Council of Armans (Macedonarmans)–Decision for Reg. No.2325 on 17/07/2008 Tirana District Court
Head Office : Voskopoje, Korce, L.1,Bul. Rilindasit 10, Korce Albania – Po. Box 54, Korce, Albania
President : I. Mantsu Tel. 0049 6142 33819 / 0049 174 900 2103 / e-mail : mantsu@t-online.de
General Secretary : N. Caracota Tel.+Fax. 0033 147 30 25 92 / 0033 6858 73223 / e-mail : nicara@free.fr